

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一一四冊



責任編輯：孫言誠 賀 偉

ISBN 7-5333-0535-3



ZB100/OP

四庫全書存目叢書·史部一一四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.375 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一一四冊目次

史部·傳記類

兩浙名賢錄五十四卷外錄八卷(外錄卷八配鈔本)(二)

明一徐象梅撰

北京大學圖書館藏明入啓徐氏光碧堂刻本

兩浙名賢錄五十四卷外錄

八卷(外錄卷八配鈔本)

(二)

〔明〕徐象梅撰

北京大學圖書館藏明天啓徐氏光碧

堂刻本

兩浙名賢錄卷二十九目次

吏治

明二

程鄉知縣陸克潛銀 廣德州知州孫文冕絃

池州府知府祁宗規司員 臨邑令王宗玉瑄

湖廣副使何尚質淳 兗州府知府吾隆

南昌府知府祝惟谷瀚 德安府同知施漢章奎

江都縣知縣陸抑之愈 蘇州知府姚彥容堂子錄孫

海州知州陸德毅遠 連江縣知縣林時叙鴻

吏治目次 卷之二十九 一 光緒

上饒縣知縣任亨伯泰 吉安府知府張孟端本

吳江知縣金惟深洪子機 臨城縣知縣章忱

霑化縣知縣方克和瀟 亳縣知縣胡信之榮

建寧府同知於文瑞理 遂平縣知縣馮世英俊

廣西副使陳廷祐瓚子澤 浮梁縣知縣王舜耕坡

泉州府知府包民敵溥 福建僉事查原博約

太平府知府項誠之經 路南知州徐子肅憲子汝

廣州府知府袁景輝爐 臨淮縣知縣呂克中和圭册

又州府准官謝舜卿憶 萍鄉縣知縣張惟善時孜

古田縣知縣汪右中璫 德平知縣范璫

桐城縣知縣沈敬敷教 重慶府推官李璫

湖口縣知縣陸文盛郁 咸寧縣知縣陳悅

欽州守徐良璧珪 襄陽太守徐子正威

延安通判周時敬雷 長洲縣知縣吾廷順翁

陽信縣知縣陶時莊儼 清河知縣陸文珮琳

宜春縣知縣姚應辰參 子篋寶交孫體信附

山東僉事錢可容宏 鉛山縣知縣杜望之民表

韶州府知府陳用光紹 太倉州判金孔殷江

安丘知縣邵本中大章 興化府推官沈大新鑒

蕪州府通判包子本梧 饒州府推官康伯正學詩

延平府推官李珉 惠州知府沈子完垣

歸化知縣章若虛宗實 延平府知府陸大行相儒

徐聞縣知縣王德純朴 咸縣知縣錢汝冲木

馬湖府同知薛文明治 常州府知府應子材櫟

蒲陽縣知縣陶世顯謨 常德府知府陸汝行州

徽州知府陶子述承學 廣信府推官卞信卿謹

松江同知陳敬夫善道 奉新縣知縣來子禹汝賢

德安府知府張鳳來 汝寧府同知錢子元貞

廬州府知府屠宗豫 仲律 濟南府同知楊汝承祐

卽墨縣知縣吳介夫蕪 樂平縣知縣周季實茂恂

吉安府推官盛原陶唐 六合縣知縣茅國卿宰

福寧知州鍾太初一元 崇安縣知縣鍾惟一銳

萬載縣知縣陸溫夫礪 內江知縣沈雲卿伯龍

常德知府葉文榮朝陽 肅寧縣知縣俞汝誠子良

陳州知州洪惟進杰 廬州府同知查鳴周志文

兩浙名賢錄卷二十九目次終

東坡目次 卷之二十九 三 光緒堂

兩浙名賢錄卷之二十九

東海徐象梅仲和氏謨

秀水支如增小白氏閔

吏治

明二 共九十四人

程鄉知縣陸克潛銀

陸銀字克潛平湖人。性至孝。父珪嘗患難。銀咋之而愈。母李氏畏雷。每雷輒趨母側。常達旦不寐。成化間。由貢士授程鄉知縣。程鄉在山海間。多劇盜。銀初至。邑江閩

卷之二十九

光緒堂

界流賊爲寇。議者皆以殄盜爲急。銀謂與民未有恩信。何遽勞人。乃新學舍。以禮義勸。首主問民疾苦。晝夜不息。暮年之後。始團練。義勇間出。勦寇斬擒。常至千百盜。賊畏威。慕化。相約無犯。程人構訟。多以賂取勝。銀門無私謁。健訟者不得行其計。日減十之六七。常戲語人曰。吾能大畏民志矣。無何以母喪歸。民號泣攀送者數千人。出境而後返。銀竟以哀毀致疾。卒於常山道。旅囊無一錢。逆旅主人徐文育爲買棺歛之。或謂銀之卒於道。路蓋天之欲旌其廉也。銀沒後數十年。程鄉人猶相傳。

陸公來則。鄉盜賊皆屏伏。不敢動。其畏懷如此。及閔銀之卒。皆設位巷哭。立專祠祀焉。初朝廷聞銀名。擬用爲兩廣都御史。會銀卒不果。及子淞孫杰俱貴。累贈銀官。卒至都御史。

廣德州知州孫文冕統

孫統字文冕。鄞人。成化戊戌進士。授鎮江府推官。擢拜南道監察御史。南都有國戚橫奪民田萬計。民灼其勢。莫敢言。卽言亦莫能直。統至。悉稽版籍。奪還民。守備蔣琮冒奪民蘆洲。侵後湖墻地爲田多不法。統率諸御史

吏治

卷之二十九

光緒堂

共劾之。不勝。坐謫廣德州判。陞知州。專務德教。持大體。不爲煩苛。威行豪強。而良善者不知有官府。期年。境內鵲鵲產白。雖譙樓鶴巢。乳鵲城南之污漬不澄。而清州民以爲三瑞。刻石紀之。卒於官。統少貧。母病思猪肉。不可得。乃爲庠士傭書。取值買肉。以供母。母含淚啖之。及祿終身不食肉。有問者。佯以疾對。居官竟以清節終。

池州府知府祁宗規司員

祁宗規字司員。山陰人。登成化進士第。初令唐山。拜御史。歷知徽池二郡。司員爲御史。按治所及。務以法懲奸。

貪其治一縣兩大郡不以法而以恩爲民定禮制息訟訟節冗緩征愛之如子卒於池民爲罷市立祠祀焉司員性孝友親喪廬墓三年伯兄早世撫其孤如己子居官不苟取田廬無所增拓所著有允憂集仕優稿及奏議若干卷

臨邑令王宗玉瑀

王瑀字宗玉鄆人舉成化辛丑進士除臨邑令值歲薦飢疫癘大作瑀戶訊之授以藥餌無所避忌請於監司不待報發粟以賑吏持不可瑀曰罪在令不在若也卒

吏治

卷之二十九

三

光緒堂

發之民一時俱有生色每訟至立遣決未嘗收繫民歆頌之聲如出一口以艱去既免喪拜南道監察御史尋陞長沙知府府故有言藩羣小假王勢率暴橫不法前守多被窘辱瑀至輒訊其渠魁白王誅之羣小大戢無何卒於官瑀天性孝友母目失明日抱持泣與寢食飲必親未嘗頃臾去左右宦游必奉以行弟性嗜酒多所乖忤一不與較捐已田宅與之以清約終

湖廣副使何尚質淳

淳字尚質淳安人登成化二年進士第拜監察御史

巡按南直隸風裁凜然尋陞貴州按察司副使改湖廣時旱澇相仍民艱於食淳設法賑濟而人不知視既而河南山陝飢民扶老携幼流移湖湘間者道路相望皆曰何使君能活我不旬月動以萬計淳命有司驗口計程給以糧食遣之皆感泣去且曰非何使君我輩皆溝中瘠矣未幾陞按察使卒於官民哭之聲震四野

兗州府知府吾肇

吾肇開化人由進士任大理評事擢兗州府知府清慎有爲不憚強禦軍民畏服卒於官囊無長物一子貧無

吏治

卷之二十九

四

光緒堂

所居人咸惜之

南昌府知府祝惟容瀚

祝瀚字惟容山陰人成化中進士歷刑部郎中風采才望爲時所推擢南昌知府南昌郡當會省號繁劇難治瀚廉明有威聽決無滯時逆濠勢漸熾戕民黷貨瀚屢中人賴以稍安王府有鶴帶牌者縱於道民家大噬之濠慙府欲挾罪傾奪其資瀚批牒曰鶴雖帶牌犬不識字禽獸相爭何預人事濠卒不能逞竟以中傷謝事歸

德安府同知施漢章

施奎字漢章秀水人彰德知府鐸之子由舉人任陸安州學正陞遼府右長史恪勤不怠輔導有方每進對輒引經且以漢東平河間爲美談王深嘉重之先是府校多不律軍民厭苦之奎廉其首惡爲民盡者痛治之自是奸頑歛迹無敢犯成化改元陞南安府同知甫下車首詢耆老訪民緩急次第舉行之寬猛適宜刑威不用專尚德化不踰年而人吏洽和士風丕變三邑軍民愛敬之如父母且曰自南安有二守以來未有如我公者

吏治

卷之二十九

五

光緒堂

九載考滿赴銓賣力丐歸老遂獲進階而還既還數年南安人思之不置屬邑父老年八九十者數百人連名投牒郡邑長乞移文來漸問施公安否詎者以爲居官得民卽寇恫之守河南張忠定之守西蜀亦不是過

江都縣知縣陸抑之

陸愈字抑之平湖人成化乙未進士知江都爲治一本仁愛窮鄉下里靡不歷月召有年德者鄉一人詢民利病而興除之歲凶民多鬻子女於江南亟捐俸入出罰錢贖以聚者幾百人每新穀未登輒發其舊廩散之約

秋成償而不取其息又築邵伯隄教民鑿溝洫時澇漫

以溉田旱澇不復爲民患江南屯卒多爲暴境內一旦車騎往擒其魁奏置巡檢司控制之勢乃戢縣羨銀數萬兩多議輸大司農愈請撫臣儲以救荒後果大侵民賴以濟召拜監察御史出按西蜀蜀地遠在萬里外非嚴莫治下車卽鋤豪強斥貪墨發奸獍風稜其峻上自崇禎下至羌酋咸慄慄莫敢縱大修成都郡學初養濟院於營昌出成按之不能生者亡慮百十數滿一載將代以盛暑行炎鄉得疾卒蜀人惜之

吏治

卷之二十九

六

光緒堂

蘇州府知府姚彥容

子孫孫潛附

姚堂字彥容慈谿人舉進士拜工部虞衡司主事進郎中出知廣信府府有疑獄堂至立辨庶政具舉治爲江西第一以內艱去起知蘇州蘇故多羨金歲以億萬計堂悉籍公帑以備賑恤及修孔子廟與先賢祠先是豪勢人道藉者輒厚索堂下令驛廩之外不得加毫末民用日省人情大慳會以事失撫臺指乃移守鎮江而以鎮江守林鶚更之鶚至堂卽日行什器帷帳一無所移燕民擁轡遮留不可得乃攀轅泣送出境而返相與誼

日雙木作簡不如一推及治鎮一如治縣政通惠洽施民復業者九千五百餘戶久之陞廣東布政司叅政以入賀過家卒堂三典名郡皆著異績而尤所注意者興學養士恤孤舉遺棄表名賢以禮化民故所在民懷其惠立祠祀之仲子鉢有雋才領浙江鄉薦鉢子潛舉呂枋榜進士第

海州知州陸德毅遠兄廣附

陸遠字德毅秀水人成化乙未進士知海州清修饒介聽斷明允一日行部有旋風三匝馬首遠疑有冤令吏

吏治

卷之二十九

七

光緒堂

卒邏察之有一人死樹下折擔尺許貫其喉乃上人房勒殺牛商移尸於此密禽之一訊而服又過大伊頗有小犢鳴號於前使人隨犢所之盜牛者方殺犢母捕之於是訟清盜息人稱神明擢廣東按察司僉事兄廣撫州知府亦以循良稱

連江縣知縣林時叙鴻

林鴻字時叙建德人幼篤志好學成化間由太學生授旌寧縣知縣六事振舉丁內艱服闋補連江邑民邊海不知藝麥鴻主教以播種之法始獲其利咸歌誦之歲

早晴雨甘霖隨澍民為建喜雨亭致仕卒於家

上饒縣知縣任亨伯泰

任泰字亨伯嘉善人苦學勵行常大書做字於壁中夜起坐對之期不媿於屋漏登成化進士第授上饒縣知縣平易近民獨持大體邑有名士吳諒折節下之諸生聞風無不束脩自好於是廣置學舍羣秀異絃誦其中暇則躬為講說士風興起蔚稱人文立法清田以往爭訟早則教民盡力陂塘使得灌溉作浮梁增社倉百廢具舉治最一時清六載應召卒於京

吏治

卷之二十九

八

光緒堂

吉安府知府張孟端本

張本字孟端錢唐人成化乙未進士授工部主事累官知府歷襄陽青州吉安三郡吉安多巨室豪右暴橫鄉里本下車首擊武斷者數人豪強斂戢綱紀下吏法在必行雖貴勢無所撓屈陞廣東左奉政轉湖廣右布政使晉都察院右副都御史巡撫江西時袁瑞開盜發本諭以利害盜稍解去竟以不能剷捕為言者所論乃致仕生平聲績著於吉安前守陳深治尚寬和而本更以嚴明吉安皆大治郡人兩賢之廬尸祝至今

吳江縣知縣金惟深洪

子模附

金洪字惟深鄞人成化丁未進士初授靖江縣知縣以治劇政令吳江吳江素稱難治後豪猾縱橫賦役繁劇小民每占一役不破產殞軀不止長區賦者視版籍爲鬼錄洪歎曰虐政有甚於此者乎乃裁抑勢家剗革役吏廣分之役以殺其力裁冗費銀米緡錢凡數十萬公無通負而私鮮破家之虞吳民德之當道爲請於朝頒其法通行天下每六察至獨吳江無訟反怪問之郡守曰金令故善撫民也時北飢饉保留在任者凡七年拜御史出按陝西復按山東以前後裁抑閭閻逆瑾不能堪欲擯之邊郡吏部持之乃得松江府知府瑾怒未解會洪減松江布價瑾遂誣以布惡械洪至京類案牘明甚竟不能害瑾既誅凡被瑾黜者詔許查復洪獨不起予櫟正德丁丑進士仕終職方司主事

隋城縣知縣章忱

章忱會稽人成化十五年以進士授臨城知縣至則悉心咨訪凡民所欲惡事以次建罷動以愛養休息化導勸勵爲務適歲大飢民多流竄忱爲招徠撫綏給其種

史治

卷之二十九

九

光緒堂

史治

卷之二十九

十

光緒堂

食免其征徭民是以接踵來歸久之旁邑流民願就籍者亦數十戶城北泥河出源泉流甚清民得同利會夏旱忱率衆築隄引水灌苗又教桔槔以濟高阜邑自是有水利鄉鄰舊無醫藥有疾輒事請療以待斃因疾痢代作爲檢方書修藥餌施之且諭以醫術緩急所全活者不可勝計修學宮具祭器及諸壇壝館舍百廢一新既又買隙地創置社學陰陽醫學郵傳養濟院各一所皆不勞而舉公暇則引諸士爲之親課其業且諄諄以孝弟忠信之道告之士悉知自勵每歲孟春令民會男女節其婚嫁之儀不得論財貨民是以鮮怨曠淫邪之病或以訟至庭忱爲明示其曲直告以講信修睦之義民多自慚惕引退郡帥嘗以非公事後邑民忱堅不奉令郡帥甚銜之亦終不能害久之陞太僕寺丞士民爭立碑志思左春坊謝遷爲之記

霑化縣知縣方克和諫

方諫字克和建德人成化中由太學生授霑化縣知縣先是連年水旱逃亡者衆諫在任六年撫字有方民多復業時有一果雙穗一蒂雙瓜之祥人皆以爲德政所

感年五十卽致政歸

毫縣知縣胡信之榮

胡榮字信之淳安人登成化乙未進士授直隸毫縣知縣公廉謹敏以勸學興行爲首務民訟多誣察聽之每得其情傳俗漸革時湖水橫溢患地方榮爲奏聞拯恤之民始獲安未幾病卒囊篋蕭然無以爲飲直指張嶧悼歎不已命有司爲督治喪事毫人悲號如失怙恃

建寧府同知於文瑞珥

於珥字文瑞嘉善人登成化甲辰進士初任南皮縣知

東給

卷之三十九

士

光緒堂

縣尋更異構外艱服闋改授無極三任皆有能聲陞福建建寧同知衛有屯田久侵於民軍士失業遂多逃亡凡五奏不得白珥按籍悉還之軍復歸伍懼守慶遠土酋多缺貢賦例出金以暗守珥以其物代充積逋夷人悅服郡雜夷民士不知學立程式課生徒文教遂興說者以比文翁之治蜀致仕歸卒於家

遂平縣知縣馮世英俊

馮俊字世英平湖人舉成化癸卯順天鄉試選教諭邑僻人鮮知學俊句授字解捐俸資給人人自奮多以功

名顯既而擢知河南獲嘉縣大瑞發承征安化所過驍

然俊迎謁承稱嘉民貧力不能任供億承爲歛容謝長者詞達平遂平故無城流賊難作俊簡民兵禦之與許忠節相約誓死封疆匪母妻山中而身率丁壯盡地爲守士卒感奮登陴俱有死志賊知備嚴不敢逼夜潛遁去事平嘗有殊擢而倦遊乞歸杜門高卧絕跡公庭邑人罕見其面簞瓢蔬食晏如也惻惻無譁實心實行人稱君子

廣西副使陳廷佑璜

子峰附

東給

卷之三十九

士

光緒堂

陳璜字廷祐恭政與之子登弘治己未進士初令潛山改青陽皆有惠政歷官廣西副使嘗行部至梧夜夢衣麻婦人持膝哭異之時有上甲者爲兄毆死監司出其兄其妻刀氏訴夫被姪毆而刀乃死矣翌日璜鞫繫囚按兄贖年六十而弟方四十謂其老毆強壯安得遽死此必姪毆之因悟夢中之婦乃刀也毆者服辜衆稱神明已而免歸囊無長物子嶧成嘉靖甲辰進士

浮梁縣知縣王舜耕岐

王岐字舜耕東陽人弘治初授浮梁縣知縣初至窰戶

有以例金魏者，披一無所受。縣中白額虎，人甚衆，有處子將嫁，堂宇嚴邃，侍婢森立，虎直入，獨峙處子去，訴於坡，坡齋沐焚牒於城隍，虎忽夜入城，飲爪牙垂首，如有繫之者，衆因格殺之。食口此吾所感，神所致也。爭獻搏虎歌，無何大旱，坡素服芒屨，自暴炎熇，中三日大雨，如注，四郊霑足，民又獻甘露頌。在任二年，甚得民心，因忤上官，竟排袖歸。

泉州府知府包民敬溥

包溥字民敬，鄞人。弘治庚戌進士，授新泰知縣。凡六年，

吏治

卷之三十九

十三

光緒堂

政成，民和。陞南道監察御史，以風裁稱。轉泉州知府，公門如水，庭鮮滯訟。明年入覲，卒於傳舍。平生蘊潔自持，衣不綺綺，食不兼味。敝廬數間，僻居委巷，既其死也，囊無十金。惟遺圖書數卷，敝衣一篋而已。至今人稱曰包孝廉。

福建倉事查原博約

查約字原博，海寧人。弘治壬戌進士，授南京刑部主事。進郎中，陞福建倉事。下車輒問民疾苦，悉力撫循之。屬歲旱，疫癘大作，約躬勸饘，給藥療治，清汛，徙行開釋。

無辜天大雨，疫亦良已。延平邵武暨福州軍相繼扇亂，約單車申諭，衆咸戢服。擢山東副使，以憂去。補江西，持廉秉公，嘗以訊決脫士人於死人，誦其明。進福建，奉政約舊有施於閩人，咸悅其來。至則治學舍，賑孤貧，惠養士民。士民懷之，陟左布政使。值歲游飢，乃下令諸司掾上納者，悉出穀分貯各倉，以備賑濟。無何而侯官反獄，羣吏皆散走。約以前三縣兵亂，皆單身諭降，威德素著於閩，冀賊可化。誨乃銳身以先，吏卒未及發語，賊稀突而前，約大呼擊賊。左右莫有應者，遂被害。閩人聞約死，皆痛哭立祠祀之。

吏治

卷之三十九

十四

光緒堂

太平府知府項誠之經

弟毅附

項經字誠之，襄毅公忠之子。登成化丁未進士第，授南京福建道御史。七年而出守太平。太平國家股股郡，然民貧，不寬不可。於是身撫循之，凡流亡來歸者，數萬計。聞襄毅計奔喪回，太平民留者竟道，枳不行，經泣而諭之，乃引去。服闋，移治臨江。臨江與袁筠諸郡接壤，土寇出沒其間，前有司幸玩愒，弗敢動。民無寧居，經憫然曰：夫臨江與太平異寇，弗擊，民弗寧，乃立捕諸豪賊，百八

十人按之一郡肅然。逾年臨江大飢，米石千錢，有司方請賑。經曰：「民飢甚矣，必請而賑，是含口以待斃也。」賑而弗請，罪在太守。太守寧以一身活萬人，於是發府庫數千金，建和糴之法，民賴以存者無算。而監司督賦方急，經入諍曰：「化理民命爲重，民德矣以杖驅之，是東羊加石而沈之淵，直速死耳。民盡死，賦從何出？」太守死，不奉命。監司怒已而歲大稔，民感德，報稱輸賦恐後。卒爲諸郡先。監司乃悅。時中官瑾擅權，天下吏多賂瑾者，經獨弗賂。瑾怒，或以告經曰：「人各有志也，彼烏怒即怒吾命。」

史治 卷之二十九 十五 光緒堂

耳卒弗賂，尋乃移治汀。經曰：「禍止是幸矣。」即日之汀，臨江民留之，猶太平也。治汀者，期月政盡舉，乃卒。勸致仕汀民，留之又猶臨江也。經卽夜遁去。時經弟綬爲千戶，已進指揮矣，而又從征廣右有功，瑾乃矯詔縛綬，編戍連陽。無何而瑾誅，諸賂者皆敗。經獨以薦起。經曰：「吾今乃可休矣。」夫人處世若飄風耳，吾寧千里爲吏，俯仰人作強壯態，孰若林阜自怡也。乃自號怡庵，遂上疏請老。授江西右叅政致仕。優游林下者，凡十七年而卒。年七十有八。

路南知州徐子肅 子法 附

徐憲字子肅，淳安人。領弘治壬子鄉薦，授路南州知州。州故百度廢弛，群盜縱橫，憲下車多方料理，招集夷民，教以耕織，生擒賊首百餘人。又單騎深入龜竹二山，招諭群賊，皆叩頭乞降，願爲編戶。當道皆以其有經世才，交章引薦，憲執理不回，與分守陳一經不合，遂致仕歸。閉門却掃，日以課子讀書爲務。年八十餘，猶手不釋卷。有五峯集藏於家，子汝圭、字德升，嘉靖丙戌進士官至密雲兵備副使，蓋得之庭訓云。

史治 卷之二十九 十六 光緒堂

廣州府知府袁景輝 煥

袁煥字景輝，慈谿人。弘治辛丑進士，授南京兵部武庫司主事，轉車駕郎，以耿直稱。守備中官蔣琮最驕橫，嘗囑煥以不法事，弗聽。琮銜之，誣煥以他事下獄。逾年得白，而直聲益彰。改刑部，進郎中。明刑執法，稱西曹之最。擢知廣州府。廣州領南大郡，前守以賸贖敗事，煥至教令一新。興廢舉墜，每侵晨吏抱丈書魚貫進，煥爲拈摘奸姦，畫一以示涖臬，而盡吏受成案去，噤不敢出一語。廣民喜告訐，皆屬目。煥悉召其人訊之，立得其是非。

吏部

卷之二十九

十七

光緒堂

狀皆匍匐悔罪。圻下始而紛訴。盈庭。終而訟者益少。人非敢欺。廣爲城。控引諸番。際大海。茫洋數千里。餘物貨繁阜。而中有隱憂。撫爲繕治。城郭操練。兵卒時戒。不虞衆或以爲迂。而後倖有佛郎機之變。以有備無患。人始服其先識。郡屬如新寧等邑。半爲盜區。撫曰。是未易以恩信撫也。乃謀之督府。次第舉兵。取其渠魁。誅之。其後始安而自戢。撫按以撫卓異。言之朝。詔進階亞中大夫。食三品俸。而視事如故。將以需大用也。正德初。既六載。考滿。運璫欲以順天府丞缺。償璫索金三百兩。撫曰。京兆丞顧可以賄賂得耶。忤其意。遂致仕。歸之日。民攀送者。咽路。燼乃夜。從間道去。居家凡二十七年。日與二三耆舊。徜徉於山巖水涸。絕口不言時事。亦不潤跡於公府。人尤以爲難。卒年七十有七。

臨淮縣知縣呂克中和

呂和字克中。鄆人。弘治己未進士。授臨淮縣知縣。臨淮故皇陵重地。關諸黥裔在焉。又水陸要衝。財賈民困。而豪右併肆侵漁。和提挈綱維。芟削荒穢。百度一新。值歲歉。發公帑兼貸種。以賑助之。民用甦息。又擇子弟

吏部

卷之二十九

十八

光緒堂

之秀異者。聚之學會。時給筆札。躬爲程式。毀淫祠四十。五所。撤其材。餽新公宇。僧尼悉還編籍。每中使出。其治恣貪虐費。且不贊和。乃覈符驗。緩急而節量之。治其尤橫者。往往多假他道以去。丁外艱。歸。服闋。改建平道出。臨淮民遮道挽留。郡守邊冀以簡書長嚴諭。以再四。始聽出境。建平俗。囂囂喜訟。素稱難治。和按其豪黠。不可化。諒者窮治之。姦惡飲戢。時黃河水溢。臨淮民赴關奏。改和而建平民。恐聽之。去卽數千百人。往爭之士大夫莫不嗟異。以爲未之前聞也。陞刑部主事。員外郎。山東按察僉事。遷陝西副使。撫治漢中。進四川按察使。便道。上體而以倡。倣佛衆遂被論落職歸。

敘州府推官謝舜卿愷

謝愷字舜卿。義烏人。由歲貢。授敘州府推官。操履清介。訊鞠明允。弘治戊申。蜀大歉。奉勅賑濟。多所全活。時盜賊縱橫。招徠安集。民大感悅。兩臺交章論薦。朝命方下。竟以勞瘁卒於官舍。旅櫬東歸。篋惟救荒善却金圖勸民詩。籠雞說數冊而已。所著有石樓出稿。

萍鄉縣知縣張惟善時孜

張時孜字惟善，鄞人，舉進士，除令東莞，以憂歸。改令萍鄉，萍鄉故獨邑，又屬孔道，冠蓋雜遝，縣令日策馬往來迎送。又時羅列盤盃饋餉，客比歸，則張燈燭，滌數下矣。時孜至，一切不問，日坐堂上，校簿握算，搜剔殘卷，置瞿屹屹窮宵旦不休，乃裁冗費，鋤豪惡，毀淫祠，興學校，平反冤獄，布德施惠，與民更始。會天旱，時孜徒跣行，霽雨隨車而至。時廨舍有蓮一幹，雙葩，人以為德政所感。時孜故屏不勝勞費，遂致疾，歎曰：「吾有三不足，飢不遑食，寒不遑衣，蓬垢不遑櫛沐，就與田農哉！」然稍足以慰吾者，此耳。竟不起。萍鄉人戶德之，飲食必祝曰：「張侯生我，已而祠之，學官。」

古田縣知縣汪石中瑾

汪瑾字石中，開化人。弘治中以貢授古田縣知縣。下車，輒以公廉誓於神，均賦後平獄訟，修橋梁，一介不取。民大疾捐俸入醫賑，所全活不可數計。時當路有欲橫征者，瑾獨不奉令，曰：「吾不能剝民脂，媚人遂託疾歸。」民懷之，移文至邑以頌其德。家居二十餘年，絕跡不入城市。悠然自得，直已守義而周貧恤匱，不自知其室如懸磬。

也求樂吾卑志其墓

德平縣知縣范瑄

弟瑄孫言曾孫應賓又從孫之豫

范瑄秀水人，弘治庚戌進士，授德平縣知縣。潔已愛人，以治行內召，離任僅餘俸二金，尋以病卒。歷官十五年，貧不克葬，當路為治兆域。郡邑大夫暨縉紳鄉先生會葬者，舟車塞途。人以為廉吏之報。弟瑄先領成化庚子鄉薦，孫言曾孫應賓又從孫之，歲皆舉進士。

桐城縣知縣沈敬敷教

沈敬敷字敬敷，慈谿人。正德甲戌進士，授豐城縣知縣。以憂去，改桐城。沈教有識，篤於愛民，桐故孔道，值宸濠之變，巨閭悍將駐兵江上，供億無算，教力為裁損，民忘其勞。建桐溪書院，置學田以造士。桐邑稱治，擢御史，巡按雲南，會尋甸土酋安銓搆亂，武定土舍鳳朝文應之，六詔震動，夙夜驚策，數月不解，帝卒以底定時在，盛年，賴為之白，以是著聲。朝野歷藩臬為光祿卿，陟副都御史，提督南京糧儲，致仕卒。

重慶府推官李璧

李璧，縉雲人，忠直多大節，嗜學博聞。任重慶府推官，公

蕭仁明不勢休不利奪有弟殺人賂坐其兄者蕭知之
竟坐弟銅梁有亡寇因其父母妻子者經年壁曰罪人
不孥釋之歸農寇聞感激自赴獄三年考最業蕭蕭然
還家鬻業以充行資惺知趙州若節惠民甫五月卒趙
人巷哭家莫建仰德祠於州治以祀之所著有一泉集
倅渝集就正稿

湖口縣知縣陸文盛郁

陸郁字文盛西安人由歲貢監生授江西湖口縣知縣
時值宸濠之變州縣多被收印篆郁獨佩印以死守之

吏治

卷之二十九

主

光緒堂

卒不能奪毀淫祠以杜民惑賑水荒以蘇民困類多善
政陞廣東鹽運司提舉啓行之日百姓遮道不忍離時
禮長積每歲常例二百餘金餽之以供路費毅然却之
蕭靜寡欲嚴於自治終始不渝其操在任八年每食蔬
素時人以陸青菜稱之及任提舉政聲懋著致仕卒

咸寧縣知縣陳悅

陳悅籍雲人浙江省試第一授知咸寧作教民榜多善
政民稱其父母當道交章論薦未幾卒於官士民巷祭
路哭扶柩至家者數百人

欽州守徐良璧珪

徐珪字良璧開化人天性孝友與弟瑄同師求樂吾公
中鄉舉以會試乙榜授唐縣教諭考風憲第一擢令羅
源治爲諸邑最陞欽州守有惠政造景震堂以自勵時
欽民以魚爲業前此賦繁而魚徙珪及其政魚復還民
感異爲建還魚亭以誌之復爲之誥曰潮陽鯉欽海魚
魚利再興鯉害除蓋戴之若韓公云未幾以疾乞歸民
爭挽留之卒於家侍講趙永志其墓

襄陽太守徐子正咸

吏治

卷之二十九

主

光緒堂

徐咸字子正海鹽人正德辛未登進士第初守沔陽西
屬兵燹後且值陵谷懷襄民嗷嗷待殍咸務在撫輯惠
養區畫中理民多全活初沔地宜黍鮮植嘉穀咸爲之
陳厥疆畝引渠灌泉略倣吳地耨種之法與民習之民
享其利居三載入覲屬吏託餽膳名盛貨帛以進率謝
却之蕭譽益彰隨陞夏官郎去會 武宗南巡咸凡事
豫戒備無不周銓百聞其賢擢守襄陽爲政一以平易
近民爲本民以是益親附之歲值恒陽射率父老格修
孝祀德若不容而甘河應妖民惑衆禍巨測咸計殲渠